

重修天津府志卷三十八

考二十九

藝文二

金石

天津縣

元

三义沽剏立鹽場碑

洪範五行其一曰水水曰潤下潤下作醜醜也者其鹺之謂歟夫水爲五行之首而鹽爲五味之先可以便民可以益國國之益民之便者豈淺鮮乎唐虞三代澤梁無禁未聞有拘榷之義逮至春秋

重修天津府志

卷三十八

金石

一光緒戊戌

齊人管仲始議伐苴薪煮水爲鹽日計而征其直漢晉而下因之取利設官置竈旁及遠方雖蒲池之所自產益井之所自出莫不首課額焉唐稱劉晏斂不及民而用度足時河朔用兵天下之利鹽居其半鹽之利其亦溥哉國家創制事從簡易燕京所轄有縣曰寶坻蘆臺越支疇昔之鹽場也曰三义沽則未之聞甲午之秋三义之地未霜而草枯灘面寬平鹽鹵湧出或經日自生時人指以爲瑞遂相率訴於官按驗得實受旨煎造初得舊戶高松謝實十有八人歲不再易招徠者日益衆河

路通便商販往來是年辦課五百餘錠比之他場
幾倍之無何康定之後爲勢家壟斷竈戶工本例
不給之折以無用之物故戶皆貧窶借不能償至
元二年朝廷擇人授任以中書省左右司郎倪德
政爲禮部侍郎兼使鹺職公革去弊政善政日新
成績上聞陞中都路都轉運使官大中大夫仍以
提領稅課司答木丁同知使事寶坻鹽使曹嚴臣
副之授任之後蒞政清嚴以恤民爲急有功必賞
有罪必罰竈戶歲給一一均及殊無折支諸物之
弊有司租調彼亦欣然輸納自餘無私毫科斂

重修天津府志

卷三十六

金石

二 光緒戊戌

由是人得安業鹽如山積於今三年矣前副使王
進及耆老夏慶温資甫梁温全崔居仁採輿人之
誦數來過願得一記刻諸堅珉以爲後來者之勸
予初難之復因老宿懇禱不已乃嘉進等能事其
事而不忘大中指授之功故撫其實蹟爲書之且
告之曰古之場業已成矣而今而後更能恪然守
其職以安其屬則國家懋賞自有不次之用予將
大書屢書不獨一書而已矣

縣志按文載天津縣志
王鶚撰甲午之秋云云考甲午乃世祖前至元三
十一年此至元乃順帝後至元當立在六年也又

按三义沽在天津金石考載入靜海誤

新通志

接運官石郁等德政碑

夫易聖人所以明幽微之理然理非有形聲氣貌也於是設象以明理則因其象之昭昭者以明乎理之所以然逮其象天下之至險其爲理不難知其爲物不難見則莫過於涉川况川水以爲天下之至險何况於海合天下名川三百支川三千未有不歸於海者故海爲百川王夫涉其支流聖人於易已設戒而謂之險難矣則其視鯨波萬里如坦塗溟渤九淵如郵傳囊括東南之稻米舉而輸

重修天津府志

卷三十八

金石

三光緒戊戌

之海六七千里之間轉漕流通儲峙不缺抑亦何以而能若是也歟是蓋國家無窮之洪休要非世之人小知狹識所能窺度也我世祖皇帝定都於燕聚四方萬國之衆含哺鼓腹以仰食於燕使由江河轉運以饋饗於燕顧豈不可然聖國規度包六合爲一家視四海爲一衣帶水故能運天下之至神越天下之至險舉無遺策以建丕基於無窮惟至正六年歲次丙戌是年夏接運官奉政大夫宣政院參議石郁文甫監察御史史筠公質都漕運使臨清運糧萬戶等官一皆能以絜矩存心寬

簡布政不眩明以凌物不任智以馭人其一時從
事之賢皆能贊翼其上之人矜哀海道之艱危糧
儲之不易蓋所謂表之直者影無不正源之深者
流無不清要皆自然之理也是年押運官嘉議大
夫海道都漕運副萬貫信安鄭用和彥禮能以誠
懇孚於神人神聽不違故海弭颶風陰護漕船如
出平陸是則孚於神明之所致也若夫公之慎飭
廉隅能帥其下於是人心惠和感動一以公爲命
故其至於直沽也其聲實有以孚於接運之公卿
然則接運之公卿能敷惠於漕民謂非押運有以
重修天津府志

卷三十八

金石

四

光緒戊戌

感動之不可也於是漕民相與言曰身爲齊民世
無不役之民使官吏一切如今年則吾民蓋未至
於筋疲力竭也若是者何人之心理欲不齊天之
道盈虧迭異後之來者恆若今之諸公卿則所謂
息我黥而補我劓又豈無更生之理耶然我漕民
將叩闕以聲於朝則非下民之事將泯泯而遂沒
其善則不可自比於人於是論列其所以敷惠於
漕民者勒之金石與是年春接運官德政記同樹
之直沽云

縣志

按貢師道直沽接運官碑云至正六
年夏漕民頌接運官石郁等惠政勒之金石與是

年春接運官德政記同樹之直沽是至正六年春

另有一碑與後碑爲二矣

新通志

城東十里許廢寺中有至元閒碑貢師道所撰

胡文

璧與倫彥式新通志按文載天津縣志貢師道撰敘至正

六年夏接運官奉政大夫宣政院參議石郁監察

御史史筠等善政直沽在天津金石考等載入靜

海非也文中明言至正六年歲次丙戌胡文璧孫

星衍樊彬皆云至元中立誤

同上

接運海糧官王維翰等去思碑

後至元庚辰冬海運之民倪實等介其府令史王

重修天津府志

卷三十八

金石

五 光緒戊戌

元珪以書來言曰維海漕國用重寄也在世祖皇

帝混一區夏爰始取道遼海運米南土給餉京師

內置漕運使司暨萬戶府於京畿外立都漕運萬

戶府於吳會募民籍名數具舟航以任其事凡運

米以石計歲三百五十萬有奇每春若夏再運萬

戶分命僚屬焉吳會太倉揚帆恃風徑絕海洋漕

道黑水北抵直沽漕運萬戶之在內者亦部署其

官屬往翼舟航交受所運達之京倉當其歸納授

受之際或失其當則海運之民傾資破產以補不

足其患有不能勝言者故朝廷必選官按臨監護

名曰接運監其隱微辨其枉直權其授受以砥其平以去其弊皆所以恤吾民也後至元六年萬戶阿里中憲職春憲抵直沽時兵部郎中濟甯王公維翰君錫禮部員外郎董古魯公元善又奉命主接運事米凡至者百七十萬石有司舉先所進樣以比類其色澤有弗同者弗受告於公二公曰郡所進米爲樣袋二三合耳

夜馳驛數千里

抵京師風日振薄無所擁蔽故能致明潔若分運之法動以五六十石載一舟氣含溟蒸色又何能相同凡以樣進者懼其雜糧灰若糠耳茲旣無是

重修天津府志

卷三十八

金石

六 光緒戊戌

也色雖不同苟能飯焉以充吾飢受之庸何傷或又有以米樣蒸熱弗受公愀然曰噫詹石之儲時暑尙爾况萬斛之舟之所積乎且民捐軀涉萬里不測之淵出入蛟螭爪牙間幸至此汝弗受將安歸之邪有司迺不敢有所言於是事得其平而吾民之職是役者始免禍矣先是接運官靡燬於延燎有司僦民居之宏敞者以館於公公度其費無從出迺辭焉卽臨清萬戶府廳事以居殊狹隘二公曰是雖隘然庶無僦費以厲民也或霖潦驕陽則手編葦自蔽處之泰然無一毫勉強意直沽素

無嘉醞海舟有貨東陽之名酒者有司市以進公弗受曰若雖酌其直甯能無所嫌耶其公正廉明類此官屬吏民有小過者必諄切教戒而寬容之雖蒲鞭未始示辱於人而人亦服其威信罔敢怠逸下車以五月三日集事七月四日歸報於朝蓋二公剔釐臺省聲聞素著公明正大簡重平允而幕府令史李公亮曹甯祖亦由風憲辟置捺存雅潔同心協贊故能成其美政而民被其澤是故民思之去之愈遠且久而不能忘願有以識之也謹述其辭以識於石

縣志

重修天津府志

卷三十八

金石

七 光緒戊戌

元統四海東南貢賦集劉家港由海道上直沽達燕都有接運廳有臨清萬戶府昔在大直沽去今城東十里許廢寺中有至元間碑柳貫撰頗載其

明胡文璧與倫彥式書

按此碑文采入天津縣志云撰書

無名氏今以胡文璧書核之當是柳貫撰也文敘後至元庚辰接運官兵部郎中濟甯王維翰禮部員外郎董元善撫卹運丁及接運官廨燬僦居臨清萬戶府廳事以省民力等事甚詳庚辰乃元順

帝後至元六年

新通志

河東大直沽天妃宮碑記

慶國利民廣濟福惠明著天妃祠吳僧慶福主之
泰定間弗戒於火福言於都漕運萬戶府朝廷發
官帑錢使更作焉嗣慶福者二人始吳僧智本主
六年以至正十一年圓寂衆請主西廟僧福聚來
繼其任然東廟素卑下潮汐漸經棟宇摧壞會覃
懷遂公魯曾以海道萬戶督運行海中所乘舟觸
山石幾覆乃亟呼天妃俄火發於桅若捩其柁遂
得免請於朝加神封號福聚具以修廟告遂公以
文書至戶部監察御史海岱劉公眞工部郎中魯
郡白公守忠交章以達中書發錢八百五十緡命

重修天津府志

卷三八

金石

八 光緒戊戌

大都路達魯花赤高昌公以京府務繁不遑躬蒞
工役屬同知灤州事脫歡庸責其成因增築基地
高至八尺有餘蓋瓦級輒爲之一新於是工部郎
中棗城魯公銓員外郎馬邑王公朶羅解皆以接
運至中書斷事官知事張允秉中張師雲其咸竭
力相助脫歡恪承太府之意又出俸錢爲之倡哀
衆資增置地基漕民吳中郁慶國徐珍等各施財
卽廟前剏觀音堂慶國又塑觀音阿羅四十餘像
過者竦然爲之敬畏乃因會稽沙門元復來請爲
之記福聚之主西廟能率其師之志多所興剏至

是益竭其心思以治東廟鐘梵漁鼓之聲蓋朝夕相聞云鄉使食君之祿居一官効一職舉若福聚之爲庶政其有不治者乎迺者加天妃之廟額天

間所賜也

縣志

大直沽去今城東十里許廢寺中有至元間危素所撰碑

明胡文璧與倫彥式書

按碑文危素撰見天津縣志

敘至正十一年萬戶遂魯會督海運舟幾覆呼天妃獲安因奏請發帑修建天妃廟始末其題首云

河東大直沽天妃宮碑記

新通志

青縣

重修天津府志

卷三十八

金石

九 光緒戊戌

金

涉縣令寇 墓碑

金故朝散大夫行潞州涉縣縣令騎都尉封上谷

縣男食三百戶賜紫金魚袋寇公之墓壬午季冬

誌 縣志 墓在縣西五里土人掘得石碣云云 同上

元

洪音寺鐘款

大德三年鑄 在縣東北十五里大興口洪音寺

內鐘清越異常擊之聲聞數十里 縣志

禮部郎中尹 墓碑

奉順大夫禮部郎中飛騎尉會川縣男尹公墓縣志

墓在縣西五里有至正閒碣文云云同上

靜海縣

宋

天妃宮碑宣和中立邱濬撰靜海目 畿輔待訪碑按此碑文

前志與縣志不載

元

李進墓碑

河間路總管李公墓 在城北故甯鄉碑存縣志

李世和墓碑

重修天津府志 卷三十八 金石 十 光緒戊戌

諸路新軍總管李公墓縣志 在城北里仁鄉碑存同上

按甯津縣有李世和神道碑已移置縣署此碑當

是墓前石碣與甯津碑為二蓋墓在靜海神道碑

已舉入甯津而墓碑猶存故處明一統志名宦有

李世和官甯津令有善政而不錄其為諸路總管

事新通志

滄州

後魏

范國仁造彌勒象記並題名 普泰二年石高五

尺寬一尺二寸厚八寸嘉慶元年僧洪霞於撥莊

東半里掘得之移入本莊三義廟內

州志稿

大魏普泰二年歲次壬子四月甲子朔三日丙寅定州趙郡平力縣國封南皮范國仁敬造彌勒尊像一軀上為皇帝陛下州郡令長七世父母下及來生眷屬善友知識同斯福慶

比丘道遷 比丘道勇 比丘惠曇 比丘道籌

比丘惠直法達 命過范相 命過范辟毒

命過范朗 命過范忠 命過范伯夷 命過范

世榮 命過范叔齊 命過范文慶 命過范陽

仁 命過范高以上一列 像主范國仁 范助 范

重修天津府志 卷三十八

金石

十一 光緒戊戌

僧廣 范頭 范文英 范寶奴 范道恒 范

懷副 范六王 范鳥 范和 范法和 范蓋

世 范市顯 范惠安 命過劉王仁 命過王

玉綏以上二列

左側譙郡太守范颺 青州渤海太守范國仁

高陽縣令范遷 都督范業以上左側一列 察酒范蓋生

以上左側二列 范僧廣 劉跃 范文英 范華 范曇

范男生 范乚跃 張資 張資妙 范之

范恩 范叡 命過劉寶華 命過王万 命過

劉暈以上三列 張叡之 張門生以上左側四列

魏書地形志普泰時趙郡已分屬殷州不屬定州
此猶書舊制耳趙郡無平力縣名當是平棘之訛
范國仁官青州渤海太守乃劉宋僑立之郡其封
國在南皮未詳爵居何等察當是祭字至緱副廳
阼設等皆未審爲何字

州志稿

按此象已失僅存佛

重修天津府志

卷三十六

金石

三

光緒戊戌

人第二列像主范國仁等題名十七人考普泰乃
魏節閔帝紀年節閔帝以普泰元年二月卽位十
月高歡推渤海太守朗卽位於信都改元中興明
年普泰二年四月辛巳高歡廢帝於崇訓寺中興
帝亦遜位是月戊子孝武帝立改元太昌此象以
四月丙寅造下距節閔之廢僅十五日其時太昌
之詔未頒故用普泰年號而中興紀年已數月其
不遵用之者蓋以故主見存民心未恪奉也此題
名自比邱五六人外皆范姓當卽國仁同族其姓
名上皆加以命過二字不可解內典中亦罕見之

殆卽維那信士等類耶又按座左側題名第一列
譙郡太守范颺等四人第二列察酒范蓋生一人
第三列范僧廣等十五人第四列張叡之等二人
范國仁已載入記中又於記後冠在第二列象主
之首而此第一列又有青州渤海太守范國仁之
名一人三見可謂不厭繁複者矣

新通志案此引州志乃未刻

稿本不合混稱應正

東魏

滄州刺史王僧墓誌銘

石縱一尺五寸廣一尺五寸厚二寸八分正書二

重修天津府志

卷三十八

金石

三 光緒戊戌

十三行每行二十五字蓋作覆斗形縱一尺五寸
廣如之厚二寸二分正書九字在上面字徑寸餘

無書撰人姓名道光二十二年州南王寺鎮人張
振廷耕田得之咸豐二年知州沈汝潮爲立碑以

表其墓四年署知州陳鍾祥移入鄉賢祠

州志

滄州刺史王僧墓誌銘 蓋作覆斗式縱一尺五

寸廣如之厚二寸二分正書九字在上面字徑一

寸餘維大魏天平三年歲次丙戌二月壬申朔十

三日甲申故驩驤將軍諫議大夫贈假節滄州諸

軍事征虜將軍滄州刺史王僧墓誌 君姓王諱

僧字子慎滄州浮陽饒安人也其先蔚炳弗復重
祥顯有功漢室苻東夏仍回家焉曾祖囙以大
魏太常年中除建威將軍北平太守祖清少履庠
門以清真自處洪鑒雅粹不以世事經懷故刺史
張儒辟爲茂才昂然不拜父願以真君年中黃舉
南討築功天府除平遠將軍步兵校尉在政未久
功名顯署不幸如平贈東平郡君洪源淵邈眇若
嵩峯稟箕瓊根湛如滄海故童年志學聲播稚齒
心八素必以禮義爲任汪汪焉弗可量也以正始
年中除盪寇將軍殿中將軍後以清顯之任寔歸

重修天津府志

卷三十八

金石

古 光緒戊戌

才令唐竿之功良須懿望神龜年中冀土不賓民
懷叛庖命將出師掃除逋穢以君才優器秀召爲
都督辭不獲命遂乃擁麾東指群兇奔競埒鼓始
交賊徒冰潰正光中除清州高陽令未及下車而
芳風亟聞不俟朞月而民知且格雖魯公之在中
牟密子之治善甫無以過也俄遷白水太守招慰
酋渠令塞外無塵撫孤矜賔廓清漢右後除驩驤
將軍諫議大夫宜保頤年享茲遐授豈圖不弔奄
權良木春秋五十八天平二年三月十日薨於平
陽窆于饒安贈假節督滄州諸軍事征虜將軍滄

州刺史于是閭里戀景行之潛徽悲霽蹤而思結
乃作銘曰遐緒蟬聰遠矣字未詳綿萋奕葉載德踵
世傳芳惟君綺日蘊寶懷璋年始強仕朗秀垂芳
而彼蘭桂載馥載香比之秋月影囑哈光披之冬
日暉景修長春風始昀奄摧斂霜迴翔鳳穿翮飛
下國視民軌義咸班禮則雲柯浩彩頌聲由勒景
行孤存魂兮潛默彫蘭析玉權賢陸德翠木霜枝
哲人維尅白楊初殖松枯始生幽鉤永閉閨室未
更黃泉多晦蒿里不明曉夜未英路斷人行

按王僧不見於史高會祖三代皆係填諱筆畫極

重修天津府志

卷三十六

金石

五 光緒戊戌

細父願獨非填諱或書丹時其高會祖名獨未之
知也清州高陽縣劉宋僑置者今山東臨淄縣西
三十里有高陽故城但水經注第謂郡治今濰縣
爲齊高陽縣宋魏縣或已在彼也宋高陽郡屬僑
冀州北魏改屬青州此誤加水旁耳魏書地形志
南秦州武都郡白水縣下云眞君九年置郡後改
故城今在甘肅階州東北三百六十里故志曰塞
外無塵廓清漢右也若華州之白水郡卽今陝西
白水縣遠漢水而非塞外與志文不合也俱同考
誌蓋正書滄州刺史王僧墓誌九字誌首題維大

魏天平三年歲次丙辰二月壬申朔十三日甲申
故驪驤將軍諫議大夫贈假節督滄州諸軍事征
虜將軍滄州刺史王僧墓誌五十一字僧魏書北
史皆無傳不可考其文有神龜中冀土不賓命將
出師語兩史亦不載新通志
開元寺造像題字

武定八年五月廿三日饒安縣人才霍虎闕造觀

音像一軀願上闕常闕佛問法安樂之家闕吳氏

女妃 小女广

像僅存雙足座正面四寸五分旁面三寸七分厚

重修天津府志 卷三十六 金石 夫 光緒戊戌

二寸正書周於座寺在舊饒安城內州人葉圭書

訪得之州志考像爲武定八年五月廿三日饒安縣

人才霍虎造碑目以爲武定三年非也武定八年

五月戊午齊文宣受禪改爲天保元年是月甲戌

遷齊神主於太廟自戊午至甲戌已十七日計魏

帝遜位當在五月上旬此猶書魏武定八年殆革

命之詔猶未頒至耶新通志

隋

滄州刺史令狐熙頌德碑按州志不載新通志令

狐整子熙字長熙隋文帝受禪拜滄州刺史在職

數年風教大洽稱為良二千石開皇四年上幸洛陽熙來朝吏人恐其遷悲泣於道及還百姓出境迎謁歡叫盈路八年徙為河北道行臺度支尚書吏人追思相與立碑頌德北史本傳文儒先生劉炫碑

後周人居此傳經史後學之人為立碑見存太平寰宇記

大業元年立金石錄碑今已亡州志

唐

造阿彌陀佛像座題字 在州人劉子銓家州志

重修天津府志

卷三十八

金石

七 光緒戊戌

總章元年九月壬午朔八日巳丑造彌陀佛像座題

字正書石藏滄州劉氏續寰宇訪碑錄

吉祥寺鐘款 在州東六十里畢孟鎮吉祥寺州志

天寶元年仲春吉日建造同上

任幹墓誌銘 光緒二年舊滄州農人耕田得之

武弁某昇去鑿為技勇石僅餘其半厚五寸長二

尺寬尺許計字十行姓氏官爵尚辨存蘭氏叢石

山房州志稿

橫海軍節度闕司討擊副使闕二大將闕員外置

同正員兼試鴻臚卿上柱國西河縣開國伯食邑

七百戶西河任公 闕墓誌銘序并

公諱幹字令幹其先西河人也謚出於周錫封彼

嘉猷永著冠蓋如雲乃滋西河之宗裔 闕公本因

七代 闕州之督至乎公世即為上谷人也公父

諱順唐盧龍府折衝 闕折衝之季子也勳勞久

著長習弓裘遇以國步未甯每叶 闕業遠投海

鄉誓展竭誠以匡主難我元帥程公 闕無 闕言

遂以兵權兼知雜務累年之 闕勳受數通犬馬之

志未伸大運俄然脫世積霑風疾方書藝殫伏枕

逾年軍祿猶在忽於貞元十五年夏四月二十三

重修天津府志

卷三十八

金石

光緒戊戌

日終於浮陽城私第春秋五十有七公愛子廷煥

人皆有孝古今未同酸茹徒 闕馨 闕興元元年

刺史尋為節度貞元三年置橫海軍日華卒於貞

元四年子懷直留後明年以懷直為觀察使至十

一年橫海軍亂逐懷直以直從父兄懷信為留後

按任幹為橫海軍節度口司卒於貞元十五年則

其年已在懷信留後時然觀其勳勞久著長習弓

裘遇以國步未甯遠投海鄉誓展竭誠以匡主難

等語為一時宿將可知又稱累年之口勳受數通

是投橫海已歷有年所則所稱我元帥程公委以
兵權者當猶是張忠叛後日華
為滄州節度時也 州志稿
劉談墓誌銘 石方一尺五寸厚三寸後王官屯
朱姓掘土得之存蘭氏叢石山房 州志稿
大唐故同經畧副使承務郎滄州魯城縣令劉公

墓誌銘 并序

公諱談字再平始自唐堯元如之 闕 劉累之後因

著其氏也洎乎隆漢光建丕緒深源茂葉垂芳迄

今因為易州易縣鹽臺里人也祖諱敬宗皇遂城

府折衝考諱仕貴皇朝散郎試得州司士參軍不

墜于家遠揚于代或武功以自致或儒行以所推

公即士曹第十一子也氣淳行謹質挺誠忠資於

詩禮可聞立於箕裘可詔弱冠之歲鄉黨有稱乃

從 闕 公門而展能良 闕 頃因子役爰至于 闕 實著

吏才元戎特薦充駢使官至貞元十一年奏授承

重修天津府志

卷三十八

金石

九 光緒戊戌

務郎試滄州魯城縣丞至十二年又充孔目判官

貞勤幹能允叶繁劇十五年又改充作坊將十六

年奏授臨津縣丞貳 闕 地方六安載美十九年又

奏授魯城縣令一同思授三異期能廿年改充同

經畧副使兼都知兵馬使押牙驥足展而有期鶴

鳴聞而屢振冀增門慶豈變禍胎明神何期良哲

俄奄忽降斯疾而逝斯辰奈何中年旋去長夜至

乙酉歲三月三十日終於淨陽集善坊之私第也

春秋五十有四夫人河東柳氏一從家室十有星

霜主饋之道不逾如賓之敬無怠因期偕老豈謂

先衰嗣子二人長懿奴次魏子並居幼稚未解哀號痛老母之臨年惜忠臣之辭世嗚呼闕其年四

月廿一日殯於州城西南廿里清池縣慈惠鄉龐傾村之原禮也因其地久刊石斯文銘曰遠哉漢

兮枝長不墜風兮名揚忠貞表兮寒竹鋒鏘拂兮

秋霜闕斯壤兮喬木何不弔兮彼蒼寄孤墳兮厚

地惟今古今空傷按州東北八十里本浮陽縣地隋開皇十六年置魯城縣屬瀛

州唐貞觀初屬滄州同上

橫海軍經略副使孫 墓誌銘 石縱廣皆一尺

二寸五分正書一十六行行二十三四字不等有

重修天津府志

卷三十八

金石

辛 光緒戊戌

撰人無書人姓名元和七年在州人蘭植家州志

唐橫海軍經略副使孫公墓誌銘并序

闕 滄城闕 事叅軍李玄慶撰

元和七年四月丁巳樂定孫公終于滄州闕二里

之私第春秋廿八以孟秋景寅耐于先塋從宜也

高祖獻媯州刺史 曾祖崇景州長史 王父

城祕書少監檀州刺史 父季陽侍御史攝景州

刺史蓋化以神於長惠以敷於下斯政理可知也

公惟與闕明志深墳素文匪師授藝稟生知 先

使目之嘉其茂異爰自學校俾叅郡寮夙夜在公

進退闕千里步武層台一遺誠哉加以韜畧之運

弧矢之妙戎車遷職勳族聯姻二者備矣冑將騰

凌勢舉權好日來衆情所鍾一旦中止嗚呼人偕

有此公迫常情元兄仲兄往歲殂歿祥練纜

闕公復云亡高堂慈親當室孀婦諸孤藐爾號

慕無從哀可既乎

元戎悼往闕存躬示卒事野奠路祭布于川原斯

乃見君奉上之節盡矣親懿之分極矣立慶維

私之素積慟興銘曰片玉青熒價掩連城

重巖闕二芳冀藜蕙將入獻兮霍逢楚王闕二

重修天津府志卷三十八金石三光緒戊戌

崇夏兮天降闕霜同考誌文敘孫公事蹟而不著

其名高祖獻會祖崇祖城父季暘唐書宰相表亦

無其人方鎮表貞元三年始於橫海軍置節度使

領滄景二州藩鎮傳元和七年節度橫海軍程懷

信子權傳中亦無副使孫某之名又考橫海軍節

度使始於程日華終其三代未加經略之號此誌

云經略副使殆潛稱也滄州下缺字當是錄字錄

事參軍乃幕官誌稱孫公以元和七年孟秋景寅

附於先塋則刻石當在其時新通志

義昌軍節度使殷侑紀政碑碑今亡州志稿

殷侑陳州人文宗卽位李同捷叛而廷湊陰爲唇齒侑請舍廷湊而專事同捷帝嘉尙同捷平以侑嘗爲滄州行軍司馬遂拜義昌軍節度使侑單身之官以仁惠爲治二歲戶口滋饒膾儲盈廩上下便安請勒石記政

唐書本傳

考方鎮表太和五年改齊

德滄節度爲義昌軍節度卽橫海軍舊節度也治

當在滄州

新通志

李夫人墓誌銘 石縱一尺四寸寬如之厚二寸

舊州城東强家莊人掘土得於古牆下無書撰人

姓名字體古茂近六朝蓋作覆斗式篆大唐故夫

重修天津府志

卷三十八

金石

三

光緒戊戌

人五字四旁刻十二神像亦有古致存蘭氏叢石

山房

州志稿

唐故名州司兵姚府君夫人隴西李氏夫人墓誌

銘

并序

夫人尙谷郡人也父諱晟易州滿城主簿承家席

寵世有令名夫人青濃桃李華襲繁禮崇徽蕙穆

秀包苔縈自于幼年有儀也十七適於姚府君夫

人溫滋惠和忠信攸穆弘此四德而務六親訓子

以睦教女以順泊乎仁而不壽生也永終去太和

四載五月因以寢 嫫星實落時年 有九嗚呼

哀哉雅有高行終而不忘至太和五年太歲辛亥
二月庚子朔廿七日丙申有祠子四人長子志甯
次子寔季子弘亮愛子宙並有崇職武藝絕倫卜
此穴北修殯於浮陽城東南七里西杭千里之園
東近賈村之右葬此中央地久天長 其銘曰爰
爰桃李青莘 灼灼淑人儀佳 攸睦婦道不諱
窈窕嬪 闕 孔嘉 何榮彩之芳茂 玉質永於長
沙同

滄州節度押衙宋自昌墓誌銘 會昌六年在崔

卷莊李煥彩家石縱廣皆一尺五寸厚三寸正書

重修天津府志

卷三十八

金石

三 光緒戊戌

二十一行行三十餘四十餘字不等道光間後王
官屯劉某掘土得之有撰人無書人姓名案廣平
宋徙金鄉官於弓高而墓於清池志稱墓大塋之
側是其先塋卽在清池矣 州志

唐滄州節度押衙弓高鎮遏兵馬使銀青光祿大

夫檢校大子詹事廣平宋府君墓誌銘 并序

公諱自昌其先廣平人也頃隋季交會天下鼎沸
枝派流散子孫從風而止遂爲兗州金鄉縣人焉
曾祖環高道不仕祖母范陽盧氏祖玉皇文林郎
試左衛兵曹參軍祖母榮陽鄭氏考孝暉經畧副

使兼衙前兵馬使光祿卿試太子通事舍人孝讓承家忠勇報國佳聲遠振英風存焉妣穎川嚴氏令範昭彰灼耀邦邑奉上以孝恤下以仁母德母儀親戚高向公卽經畧府君之第四子也體貌魁偉神情爽朗性多豁達不拘小節妙年入仕累効雄職轅門卓立非禮不動時議曰鸞鷲之毛天生五色一朝鳴翥霄漢造次胡可及也方面一覩一日再觀再美肘腋要職闕無不莅且四爲大將一爲都翼候三爲團使五領雄鎮大丈夫立身處世得如公者鮮矣効職轅門輸誠激節立功立事可

重修天津府志

卷三十八

金石

光緒戊戌

大可遠奈何天與厥德神奪其壽哀哉粵以會昌六年八月十八日公受瑤於弓高鎮之官舍享年五十七公夫人武功韓氏九卿之女五侯之孫聿修令德可載青史哀哉是歲七月九日屬纊於鎮院先於公五八之日春秋四十有九嗚呼樹欲靜而風不止子欲養而親不待可哀也哉公有子四人孟曰公集才弱冠知而不惑身長七尺腹包六藝度奉溫扇未婚未宦仲曰公直季公勤小曰公稱女三人或韶齡之歲或總角之年哀毀之禮殆將滅性公仁兄曰自宏組德織義踐孝履信性慕

散逸不赴權貴嗟形影之易失痛手足之難續與諸孤露等朝奠暮臨痛貫心髓江河爲之蕩漾風雲爲之慘烈迺罄竭物產力備凶事便以其年龍萃丙寅十二月戊辰朔闕日癸酉祔於清池縣使城南七里孝友鄉仁德里大塋之側禮也公嗣子公集恐山河變易陵谷更改迺持片石命紀其事德方謬事軒屏久沐顧盼三佇思敢直敘其事

銘曰河岳英靈嶷尔挺生功立身謝遠振家聲其一宜其夫人謙敬如賓勸誠君子養和守真其二其隙駒

難駐石火易滅龍劍雙沉鳳梧兩折其三悲風蕭索

重修天津府志

卷三十八

金石

光緒戊戌

逝水嗚咽嗣子長號淚盡繼血四駢使官王德方

述同上考節度押衙及鎮遏兵馬使唐書百官志皆

無之疑押衙當卽衙推之別稱兵馬使或卽行軍

副使也方鎮表齊德滄節度使太和五年賜號義

昌軍此誌刻於會昌六年相後已十五載不曰義

昌而猶曰滄州疑太和以後有更制而表失載也

清池隸滄州弓高初隸景州太和四年州廢隸滄

州景福元年復置景州弓高屬之會昌在太和之

後景福之前故弓高尚爲滄屬縣也宋自昌及其

會祖環祖王父孝暉宰相表皆無之誌稱其先廣

平人則與開元時相宋璟同里其曾祖之名與璟名亦類兄弟行疑卽璟之屬族而表顧不載何也

新通志

馮君墓誌銘 石縱一尺五寸寬如之厚二寸五

分同治間州南董家新莊掘得在呂玉麟家

州志

唐故馮府君墓誌銘

并序

鄒貢進士節度隨軍劉南仲製

府君諱廣清字元濟本姬周之盛裔後分望於長

樂郡 先祖事楚爲台鼎事漢爲大樹曾門皇諱

字 祖門皇諱 字 累授品位列郡爲郎枝

重修天津府志

卷三十六

金石

三

光緒戊戌

菜芴敷散於海內從文及武光蔭門闌如鳳超騰

彩耀雲路雄 府君溫潤從性信義在心行禮則

於故交布周旋於君府去長慶之初 廉使烏公

擁旄橫海察其忠孝悉其功勞累遷職爲十將公

稟荆玉而明白同月桂以芳香志好外書心崇內

典不味薰茹長持葢經皆以手書讀念川注身卽

上事旄鉞心且懸於釋門比蓮花之相以清淨爲

根苗若金石之原以堅貞爲道本常得衆列高仰

上士欽風爰至於今善名不朽豈爲暴徒逆命

禍乱天上縱兇牋下染君子烈火焚野尖及雲蘿

雷電震空惡盈松竹 府君時爲將領攸適莫知
時享年六十有二夫人潁川韓氏禮儀婦德齊於
敬姜訓子擇隣同於孟母四德之風尙在三從之
教儼存豈期壽命不返幽冥去速時年世十有三
而終於夫之故園一男五歲一女二齡 府君愍
覲兒女早失慈親再婚彭城曹氏撫養偏露過於
已生哀念恩深並已成長男繼宗天授聰穎文藻
日新入事旌旄便蒙駢策授義昌軍節度驛使官
婚隴西董氏男一襁褓女二幼冲女十五娘適於
王氏曹氏時年七十有五以大中元年九月三十

重修天津府志

卷三十八

金石

毛光緒戊戌

日而終於滄州城內明經坊之寢位嗚呼婦德聲
在儀質沉泉日月慘傷悲助荼苦恐以年代遐遠
遷葬漸遙遂以其年丁卯十二月壬辰下旬七日
卜地於滄州清池縣西南十里成村爲塋域志招
亡父之靈魂來歸勝原之墳墓莫以逐勝他土神
儀散遊此者是府君之故鄉祖父之郡邑速離他
土來祔新塋丘隴永安封原不變恐後天地輪改
海岳有移故製斯文鐫在貞石 銘曰

人賢君子 溫潤容儀 令望遠播 芳名世知

王事旌鉞 忠孝不虧 雄尊釋教 讀念受

持 不食薰茹 不飲醇醪 習吉積善 歸於

釋師 今擇勝原 安製墳墓 府君夫人 同

泉禮祔 天地保慶 山川長固 明明壟月

濯濯蕪露 百檟千松 万年衛護同考唐長樂

縣有二一隸隴右道臨州一隸江南道福州而北

魏冀州有長樂郡隋因之為長樂縣皆當今冀州

地此誌云長樂馮君當為冀州人疑猶沿隋舊稱

而地之相去不遠也若在隴右江南則此誌似不

應於此出土矣新通志

元芝康氏祔葬墓誌銘 石厚二寸方一尺三寸

重修天津府志

卷三十八

金石

天光緒戊戌

唐家莊農人掘土得之存蘭氏叢石山房州志

唐義昌軍節度闕二字炭康氏祔葬墓誌銘并序

北海望崇闕來久矣汝南郡重亦其廵焉皆世族

清流門傳冠冕府公諱元芝皇祖諱炭世本青齊

貫居千乘因是家於滄海別業浮陽烈考諱公霸

職任散十將主持重務歲月滋深官分億兆之憂

私無錙銖之患清廉夷甫之德豁達季倫之風東

閣常開西園不掩府公則抃監之長子也武藝進

身弓毬超代妙年從仕以見老成竭力致身彝倫

罕並冀謂日將鴻漸迥然不羣孰料顏子之秋奄

斯冥冥府公享年卅有四大中七年七月十九日
終於立都坊之私第賢妻康氏禮請侍養恐闕晨
昏何圖玉顏先赴幽戶時年廿三奄闕私位父慟
哭幃側悲咽無聲弟元義元裕哀哀血目髮首靈
前雄雄皇天殲我手足嗣子建郎女觀闕絕漿闕
字 血淚捐軀毀瘠過情荒迷似性以七年癸酉十
月戊午十六日癸酉窆滄州清池東南七里豐潤
鄉高材之禮恐年代改易勒石記焉闕二 孝敬於
家積善無賒豈以蒼蒼降之禍涯福成俱託運止
冥冥水流泉門長扃夜壑州志

重修天津府志

卷三十八

金石

光緒戊戌

幽州節度要籍祖 夫人楊氏墓誌銘 石縱一
尺三寸廣一尺二寸厚三寸正書二十行每行字
數不等嘉慶十二年於舊州城北掘土得之歸舊

州人龐學寬今在學寬孫鼎來家州志

大唐故幽州節度要籍祖君夫人宏農楊氏墓誌

銘并序

前攝滄州司馬鄉貢進士徐膠撰

楊之受氏宗於有周始於魯史所傳迨乎唐年攸
盛歷代軒冕嗣光簡書今不復云矣會祖昇皇不
仕祖轉皇攝幽州安次縣令父瀛皇不仕夫人家

奉詩書門續青紫清潤從生之善道聽聞未教之
清規故動叶禮經言作世躅泊乎成人之歲以父
兄之命歸于祖氏及移彼天益煥明德率盡乃性
爰穆其親加以學道自怡探微愈晦閨門坐蕭埃
塋潛融故夫人之子瞳不仕王侯高眠藪澤洞啟
老莊之扁鑄退全箕穎之性情魯連三辭不沽譚
笑萊子五綵自悅晨昏笥中之龜質堪悲天上之
鶴書莫起嗚呼時當訛薄人寡坦夷竟以勞生罕
躋中壽而夫人逍遙外物怡澹安貧克保遐長諒
因頤養以廣明二年七月十四日終于滄州清池

重修天津府志

卷三八

金石

辛 光緒戊戌

縣善化坊享年八十五是歲改元中和以十一月
八日葬於所終之邑元孝鄉流祥里惟瞳跡類漂
梗禮至茹荼情疚送終資自良友塗芻潛備松楸

克完其道寔高其孝彌顯夫人女二人長適李氏
次適劉氏咸稟夫人之明成彼族之嘉猷瞳與余
交分不渝素風備熟俾其紀石難讓濡毫銘曰

字 儀符彼內則進盟愈恭柔聲靡忒雍穆其道馨

香在德閨閻益清簪裳去飾暗識繁華堅歸寂默
壽考保終希夷自得誠子遁跡遠辱全生輕辭世
網靜禩塵纓上士斯達弋者何營伊誰砥礪本我

高明碧山無業滄郊寄塋難詳彼美空愧斯銘

族前攝滄州司兵參軍從白書州志考祖君誌中不

載其名從白書不載其姓其為祖氏楊氏皆不可

別要籍乃節度使幕官司馬及司兵參軍咸州刺

史屬僚皆見唐百官志誌稱夫人以廣明二年七

月十四日終於滄州清池縣善化坊是歲改元中

和以十一月八日葬於所終之邑元孝鄉流祥里

廣明中和皆僖宗紀年中和以廣明二年七月改

此於卒書廣明葬書中和其書法精詳亦可法矣

新通志

重修天津府志

卷三十八

金石

三 光緒戊戌

司空盧 夫人劉氏墓誌 在州東六十里墳莊

石縱二尺八寸廣如之厚一尺四側皆刻人物正

書三十六行每行三十餘字四十餘字不等嘉慶

初墳莊民人耕田得之州志

唐魏國太夫人劉氏墓誌銘并序 挨生攝節度判

官將仕郎監察御史裏行賜緋魚袋侯濬川撰

夫大塊茫茫有南海北溟之固玄穹浩浩為東烏

西兔之資辨三才以攝羣生推二氣而崇景運雖

智窮岡象德洽無為言符造化之功位冠華夷之

長而不能逃天地之大數抗修短之常期即有鍾

慶德門積善洪胄厥爲合族寔曰彭城襲高光之
餘風播豐譙之美胤卽我郡夫人之貴嗣也夫人
會祖從 皇任鄭州滎陽縣令祖陟皇任朝議郎
守滄州臨津縣令試弘文館校書郎柱國皆襲慶
基仁奉珪構室資忠履信誕發蘭儀外揆姑戚李
氏外祖操皇任朝議郎行青州壽光縣令親舅道
樞見任義昌軍節度副使檢校尙書工部郎中兼
御史中丞賜紫金魚袋夫人授訓公宮承顏內幄
懿德光於娣姒柔順洽於宗親咸曰非海內名家
人中偉望無以爲夫人正偶也長適於苑陽盧氏

重修天津府志

卷三十六

金石

三

光緒戊戌

卽我司空也夫人鸞鳳和鳴琴瑟合奏言容賁於
國史德行標於法度六姻之內爲規矩焉而孝於
舅姑恭於與饋寒暑不易其道風雨靡慙於時終
始一心朝昏同殆雖古之純和德行無以過也洎
司空仗鉞登壇分茅巨鎮夫人持愈謙之行無恃
貴之容高卑共榮內外咸睦是歲封爲彭城縣君
閨門峻設天秩永昌而內則外言不逾規矩雖魚
軒接軼會未留心而象珥充庭莫能屈意此則夫
人之懿德也又明年封爲彭城郡太夫人爵位轉
高恭虔益厚內賁珠玉不務綺羅示儉德於中閨

革奢華於外署有以見輔佐君子之道有以崇發
揮亂嗣之光而尙惴惴無言謙謙若訥居王侯之
右敬之如賓奉節制之尊待之以禮雖門叅九戟
而職貳三台以夫人之情田俟公卿之進止思無
固必義合典彝此又夫人肅雍之德也方期偕榮
九錫共享百齡豈期罷律谷之暄輟龍鄉之曉椒
風蕙露家凝殞妣之冤縞服葛幃國起亡嬙之歎
卽以景福二年正月廿九日寢疾薨於使宅享年
卅七奉當年六月十日敕下追封仍頒國號其制
詞曰生榮死哀孝子之事親終也揚名追述有國
重修天津府志

卷三十八

金石

光緒戊戌

之延賞至焉推而行之義歸一揆不有寵錫何彰
厚恩景州刺史兼御史大夫上柱國盧允奇亡母
彭城郡太夫人劉氏生稟令儀歿垂素範踵孟母
擇鄰之訓勉王陵事主之忠藹然勳臣居吾昭代
徽猷旣茂典禮宜加爰昇封國之榮周示及泉之
寵式光子道克勤乃誠可追封魏國太夫人其長
子允奇幼而聰晤孝敬自天長實溫清承順在已
洎鍾外禍高柴比肩哀哉過於會顏禮義形於喬
梓幼曰朱社課渥洼異壯鸞殊姿已知孝敬之方
曲盡銜哀之旨是武陵泣血之歲同宜都永夢之

年雖曰童蒙已有成人之風矣有女二人乞姓長
馮四娘子幼馮五娘子年方幼小志在溫柔慕謝
氏之風儀襲班家之禮法自纏哀禍悉悴形容晨
夜追思夢寐悲感皆情深陟祀念切屬泉於是窀
窆有期龜筮咸許青鳥擇日白馬臨郊奉常撰加
等之儀鹵簿具送終之禮親賓拜享公台護壙哀
榮畢備於斯晨盟好同瞻於此際四方致奠千里
持函導從禮儀輝映今古卽以其年八月七日葬
於將相鄉祔大塋禮也高原茂草林薄迴翔瞻望
松楸咫尺塋闕鸞騰玉羽向天路以無迴風引寢

重修天津府志

卷三十八

金石

三
光緒戊戌

裾入青冥而不返遂作銘曰大道冥冥玄功悄悄
育聖誕虛開祥啟_其一茂族華源崇基峻址乃瞻

豐譙寔惟邦_其二娣姒開國夫人起家作配方伯

榮兼物華_其三郁郁祥烟萋萋瑞草霞錦相鮮霓旌

照輝_其四鳳蓋魚軒歌台舞榭燭日鳴鑿輅車文馬

其_五令淑長往音容日賒唯規與範作世芬葩_其六內

則外儀親族皆推恭儉皆用閨門是資_其七行標蘋

藻德配鴈鳩嫵婉君子福祿是邁_其八言符經典道

契著龜芳塵已矣泣血漣洏_其九百子千孫天長地

久陵谷遷移斯人不朽_其十

唐書宰相世系表彭城劉氏有劉瞻相懿宗瞻之
下一世有劉陟卽夫人之祖表不載官爵據此可
補其闕其夫位司空而仗鉞登壇分茅巨鎮亦一
時貴官既不書其名又不書其所臨何鎮考景福
乾甯間義昌軍節度使爲盧彥威劉夫人卒於使
宅卽彥威妻無疑父爲鎮帥子領支郡藩鎮大抵
皆然也觀方期偕榮九錫共享百齡云云彥威尙
在可知而贈魏國敕但稱爲景州刺史允奇之母
不著爲彥威之妻未詳何故幼子名朱社課未知
是一人是二人盧氏之女而乞姓爲馮此俗至今

重修天津府志

卷三十八

金石

三 光緒戊戌

猶存銘詞輝字當是耀字蓋輝與草不韻也書有
柳誠懸筆致而力弱

州志

考誌無書丹人姓名文敘

劉氏父黨夫黨三代名諱官爵甚詳而并詳錄母
黨姑臧李氏外祖操親舅道樞爵位亦甚詳乃碑
誌中罕見者三族之名皆不可考唐宰相表有劉
陟乃宰相劉瞻之子誌中詳言曾祖從口任鄭州
滎陽縣令祖陟任義昌軍節度參謀與表中劉瞻
之子陟顯係二人州志以爲卽此劉陟非也宰相
表姑臧李氏有操之名而無官當亦不是一人侯
濬川題銜上加挨生二字不可解誌於母黨則曰

外挨姑臧李氏六書故云挨旁排也以其義案之疑爲當時戚郤之俗稱此於母族曰外挨則姑姊妹之子當稱爲挨生矣以是相衡或侯濬川故盧氏之所自出者是固與旁排之解意義胥合也新通志

五代

開元寺鐵獅款識 在舊州城內開元寺周廣順二年鑄高一丈七尺長一丈六尺背負巨盆頭頂有獅子王三字左項有獅子二字二字之左又有王字右項有大周廣順三年鑄七字左脇有山東

重修天津府志

卷三十八

金石

庚 光緒戊戌

李雲造五字腹內有字甚多其可辨者惟寶田郭寶等數字蓋他器上字銷之未盡融者相傳周世宗北征契丹罰罪人鑄此以鎮州城嘉慶八年三月大風倒地今口吻腹尾俱殘缺明沈德符萬厯野獲編畿南三大謂滄獅景塔真定菩薩也據云三大予皆及睹滄州鐵獅向會有逸盜叛伏其中搜捕不獲後知其故遂剷破其腹滄在唐爲橫海軍治所又改義昌此必其幕府牙城用以立威儀今云周世宗令罪人所治譌傳也按命罪人所鑄之說固不足信其爲周廣順時造獅身明有款字

可據蓋德符行道倥傯未之見耳橫海軍在州西南並非此城安得爲牙城所在乎開元寺本古刹獅旣在寺前且背負巨盆似卽寺中之物世宗素不信佛當或卽李雲捐造以壯觀者乎州志按廣順乃周太祖紀元此云世宗誤新通志

宋

石佛寺石龕造象記 在河官屯龕高一尺八寸八分橫三尺厚八寸內佛二軀題字在龕正中及左右共三行二男刻於石佛座下俱正書州志

寶勝如來佛 南元愛相佛新州雄勝第十二指

重修天津府志

卷三十八

金石

三 光緒戊戌

揮第二都劉榮 端拱元年四月五日記女弟子

李氏鑄佛二尊爲過去先亡父母

男黑驢 次男旺哥

正書端拱元年四月五日直隸滄州續寰宇訪碑錄考此

題名云新州雄勝第十二指揮第二都劉榮端拱

元年四月五日記考宋新州隸廣南東路當卽廣

東新興縣治雄勝不可考疑當時砦寨之名也新通志

志

觀音寺石龕造像題字 在舊州北門內觀音寺

碑龕高二尺寬二尺九寸厚五寸六分內鑄佛像

下有二像作頂禮狀明末修廟得於地中大旱禱
兩往往有驗州志

宋瓊嗣於塔上造觀自在菩薩壹尊所為過去先
亡父母並及現在合家大小眷屬承此功德福分

長男宋榮次男闕 岳次男宋演孫子婆留香課

佛留菩薩留 宋淳化三年歲次壬辰五月一

似建 丙午朔十二日乙巳記

心經

釋迦讚

觀音讚

重修天津府志

卷三十八

金石

三 光緒戊戌

文殊讚

普賢讚

羅睺讚 以上龕左右及下方讚皆五言 八句並心經皆正書 同上 考錢大昕

四史朔閏考淳化三年五月甲午朔以此下推十
二日正乙巳也此刻書丙午朔與下乙巳干支不

合蓋丙乃甲字之誤 新通志

作清池記

按政和八年記云元祐三年知滄州軍州事韓正
彥撰男固書政和八年通判滄州軍州事固重立
石既云重立則元祐三年會先立石可知今載其

目以符重立之說

新通志

按前志載有韓正彥

明年記其所感與此按語相符今錄於左與政和八年文大同小異

滄州之東南距城八九里有池曰倅清周環僅六百步水味鹹苦冬夏澄清大旱不竭大水不溢稱爲感應神祠載於祀典土人尊崇之謂海神所宅輿地志云後魏延興中大漣淀水溢注破倅清村因成池沼人時得海魚言與海通十道志云水味鹹又甚澄清冬夏不變隋開皇中改浮陽以池名縣以亂而廢且廢固以遠惟池水鹹與海水不殊又其間嘗得海魚則與海潛通亦信然也祠屋重

重修天津府志

卷三十八

金石

三
光緒戊戌

建堂庶靡備神像重新侍衛森列郡人皆不知興建之由但能言祠之靈感元祐二年予假守至郡之三日首詢境內社稷載於祀典者土人皆言祠神前後禱水旱未嘗不應予始未以爲然明年天久不雨麥苗盡槁晚種不萌旱風飛塵埋翳田野民心皇皇坐憂流殍州郡不愛牲幣遍走境內之祠又遣官詣祠下致禱神兮杳隔寂然不答赫日鑠金旱勢逾強刺史與郡僚相視無以救者或者謂池神靈應有素須刺史齋潔躬詣祠下必有所感是夕予齋誠異寢翌日遲明率郡僚出郭未午

抵祠下設酒具饌冥心致禱旅拜庭中禮畢盤旋久之薄暮而還日方晚颺風忽起陰雲駢集夜猶未央膏澤霽霈一夕霑足向來憔悴之苗頓然復蘇塵埋晚種薤薤畢萌郡人皆慶神之感應不妄斗牛之分遠邇率被潤澤莫知神之致福噫神之默契於我既如此神雖不圖報我豈默而無言耶先是今樞密趙公龍圖李公嘗守是郡均以神之能濟水旱一方之福剡章乞加爵號而邊地僻左朝廷遼隔章累上爲有司所沮而罷今予亦欲聞於朝慮勢卑言輕不足取信徒有瀆神之舉因尋

重修天津府志

卷三十六

金石

碑

光緒戊戌

究前志考合圖經而畧載祠之興起有由且記其靈感之跡以傳後人之信云

前志

重立作清池記碑

政和八年在州東南五十五

里作龍堂龍神廟碑高四尺一寸寬一尺六寸正

書十九行行四十一字云重立石先曾立石可知

元祐三年至政和八年僅三十年未詳何故重立

石也政和僅七年八年則改號重和立石時當猶

在改元之前故書八年書法極秀挺惜刻畫太淺

今剝泐多不可辨者

州志

滄州作清池記

浮陽李士隆篆

篆書
三行

州之東南距城十九里有池曰侂清闕環百步水

闕二苦冬夏澄清大旱不渴闕五祠載祀典闕十字

後魏建中大漣淀水溢注破侂清村因闕五時得

海魚言與海通闕十澄清冬夏闕三隋開皇中改

浮陽以池名縣以闕四因以遠闕池水闕海水闕


練闕八海闕通闕二然也祠屋旁建堂廡初備闕三

字侍衛闕三人皆闕二祠闕十元祐二年闕二至

郡之五日首詢境內闕二載于祀典者上闕三祠

闕十天久不雨麥苗將槁晚種不萌旱闕三埋闕

田野民皆皇然闕三不闕四走闕內闕二又遣官

重修天津府志  卷三十八 金石 聖光緒戊戌

詞詣下致禱神闕香闕三公管闕六今闕刺史闕四

字視闕四者未池神靈應有闕許刺史齊潔躬詣

祠闕必有所應闕三誠異闕翊日池闕率闕二出

闕祠下設酒俱饌冥心致禱旅拜禮畢闕九方晚

闕風倏陰雲駢集夜雨闕二膏澤均霑闕二足向

來樵悴之苗頓然復起闕今茲晚種之闕六人皆

慶神之感應不妄闕四遠邇率闕三莫知神之致

福噫神之默契闕廿公龍闕圖闕公嘗守是郡闕

均闕神之能濟水旱闕二遼陽闕七而闕八處闕七

字有闕五究闕二考初闕六興起之闕三其闕二

之跡闕五元祐三年十月闕日闕五大夫直闕閣

致滄州事闕上柱國賜紫金魚袋正昱略書政和

八年十月十一日教典通判滄州軍闕事固重立

石 浮陽李士隆篆耿著刻同

銅鐘款識 道光十年州人葉濟英家耕田得之

高六寸圍八寸有陽文八字亡州志

永和十二年已巳造

考古年號永和者四漢順帝晉穆帝苻秦姚泓閩

王延鈞也惟晉穆永和至十二年是丙辰而非已

已鐘頂作太極圖周以八卦當是宋以後物更無

重修天津府志 卷三十六 金石 聖 光緒戊戌

所謂永和矣存疑俟博雅論定同考南北朝時北

涼沮渠牧犍亦紀元永和至七年而亡亦未至十

二年並無涉已巳也新通志

王善美造象殘字

正書無年月在城南十二里乍龍堂內金石分

崇甯鐵錢 大觀鐵錢 政和鐵錢 宣和鐵錢

在舊城開元寺北地名鐵錢庫多宋崇甯大觀

政和宣和年號惟日久凝結一處不可復分案以

鐵鑄錢始於南唐韓熙載公私以為便見陶岳貨

志宋初猶用之獨醒雜志載嘗見江西玉筍山玉

梁觀所藏經卷尾有題字云太平興國二年新淦縣揚名鄉胡某使鐵錢一百二十貫足陌寫經六十卷是也宋中葉以後以鐵鑄錢不見於史此或鑄而未行者錢堆累若石塊近有用妝點假山者青綠斑駁可供雅玩

州志

金

修會應廟碑 在舊州城內夏曾撰未詳書者姓名碑今亡

州志

天子幅幘之內山獄邱陵城邑之地江海河瀆川澤之水咸有神以主之然紀於經史載在祀典必重修天津府志

卷三八

金石

望

光緒戊戌

有功德於民能禦大菑能捍大患者然後設爲廟貌歲時祭享凡以爲民而已唐狄梁公巡撫江南禁吳楚淫祠七百所李文饒觀察浙西毀所屬非經祠者千餘所皆以其無功於民不能禦菑捍患者也滄郡居燕趙之衝左海右河土黑墳田中下瘠鹵而產薄在昔爲邊陲地風雨差愆則有饑饉之厄雨暘失時則有流離之患惟神之鎮茲土也莫知其幾年矣在宋咸平歲名臣李公允則適守是邦遭師攻圍舉城震恐神爲保護全身示現敵人畏懼重圍遽解郡人至今能傳其事其後歲有

旱乾霖潦之災民憂荒歉竭誠祈禱龍尾見處稼穡必稔一方黎庶賴神之靈養生送死免流離轉徙之患其恩大矣豈非有功於民能禦菑捍患者乎名額之降以故老俱亡無復考其歲月宋崇甯二載興修今迎祥觀用事者奪其舊址遷其廟於觀之東經歷兵革歲久不葺頽圯蠹壤殆不可顧凡過是者必思其德而傷之郡之豪姓郭公立乃擇匠氏經度材用卜日興工起於正隆元年四月初八日成於正隆二年四月二十日梁棟欄宇體勢壯麗貌像嚴肅侍從畢具金碧彩色煥然一新

重修天津府志

卷三十六

金石

光緒戊戌

邦人瞻仰罔不祇敬興祠之歲風雨順序禾稼大稔一方相慶咸欣爲歲時之祀也郭立嘗率郡人興復岱宗行宮於州之西南隅獨修經藏於普照寺今又重修龍宮祠邦人得以奉祀則知積而能散敬畏神靈者在人之道爲可尙焉於是乎書

南堂窪古碑 大定十年在州東北一百三十里

南堂窪碑字今全剝

州志

清涼寺石柱 在州南二十里龐村清涼寺大定

十三年歲次癸巳十二月己未十八日建立明天

順二年修清涼寺得之見正德八年碑記今不知

存否州志按是年十二月己未乃朔日見錢大昕朔

閩考新通志

南王寺鐘款

金大安鐘在州南王寺州志

都元帥府印 光緒壬午春滄州舊城農人掘地得磁盃二一仰一覆中藏古印一方大三寸厚六分柄長二寸重四十八兩印脊無編號篆文六字得之者以爲金質諸典肆未售州牧趙秉恆聞之走取則碎而分之矣答其人收破印存庫州志

都元帥府之印

重修天津府志

卷三十八

金石

聖 光緒戊戌

按都元帥之名蓋昉於金元唐建中初雖有都元帥名然冠以兵馬二字宋建炎二年以信王榛爲河外都元帥亦以兵馬字冠之至宋高宗紹興二年金以呢馬哈爲都元帥則無兵馬字矣又宋甯宗嘉定七年金都元帥完顏承暉以兵阻蘆溝又十年張宏範之父柔降蒙古以爲河北都元帥又十四年張林降蒙古穆呼哩以林行山東東路益都滄景濱棣等州都元帥府事至理宗寶慶元年金以史天澤爲河北西路都元帥紹定四年國安用降蒙古蒙古以爲都元帥行省山東又塔爾齊

阿達哈阿珠張宏範輩相繼爲都元帥蓋自宋高宗至元初凡爲都元帥者十而自稱都元帥如故遼人耶律留格金之呼沙呼崔立等亦復不少然惟張林加一府字與此印文合而又領滄景等州與古滄地亦合且蒙古之給印在理宗嘉熙元年林降元則在甯宗十四年爲元太祖之十一年其時未改元猶官府自爲符印也則印脊之無編號亦宜又二十一年林爲李公所執印之埋沒或卽此時姑誌其崖畧如右以俟博雅者考焉蘭維烜

識同

重修天津府志

卷三十八

金石

吳光緒戊戌

元

重修仵清池壁記

在仵龍堂碑今亡未詳書撰

人姓名文稱撰者爲吾鄉名士竟無可考惜哉

州志

至元丁亥年春董公珪來倅是郡自下車履正奉

公興學養士越明年夏亢陽爲災詢故老以祈禱

之所杖者曰城之東南僅二十里有廟曰五龍祠

有池曰仵清池在昔守土者祀之其於靈驗之迹

紀在廟碑不必喋喋卽今廟貌仍在儼然有昭顯

聖后之像獨龍池久廢無復繼其前功良可惜也

公聞而喜之明日詣於祠下觀是池之舊址喟然

歎曰今不修葺他日求霖澤如顯應何於是募工
度費蠲日興工願趨役者雲集不日而復完池泉
沸湧不引流而深餘丈許其後有白魚出遊忽沉
忽浮須臾作龍形示現或興雲而升於天或吐霧
而潛於地居民牧豎往往見之果神靈如此異也
公率諸僚屬以香楮之奠禱祝誠懇雨卽大沛其
應如響是歲禾稼大稔農民歡於野商賈歌於市
一方咸受其賜此者公及瓜期朝廷擢爲濟州牧
邦人時思慕之一日郡之耆舊李君仲實暨任君
器之介予曰先生吾鄉之名士知池之廢興龍之

重修天津府志

卷三十六

金石

光緒戊戌

變化神之感應詳且悉也顧得文而刻諸堅石以
壽其傳使後之人信不誣矣余以鄉中勝事義不
容辭忘其固陋姑撫實以書之而爲記前考碑文志

錄八州志文敘至元丁亥乃至元二十四年州志
以文有丁亥之明年一語定以爲至元二十五年
所立但文中越明年其去官之歲未必卽修廟之
歲則州志所云未免臆斷若金石考以爲至正中
立又列入南皮則更舛矣新通志

管軍千戶魏尙忠墓碑

在州東一百里北良村

碑高六尺三寸寬三尺厚九寸銘詞蓋闕未詳幾

行每行六十餘字正書剝泐太甚可辨者不及其

半州志

管軍千戶魏君墓碑

翰林侍讀學士朝請大夫知制誥監修國史李謙
撰并書朝請大夫尙書兵部郎中李篆額

管軍千戶魏君既卒之七年其長子茂遣其母弟

英出先世闕功行來請曰吾先君幼從戎闕

十餘年闕未彰而闕孤闕肖闕能奉揚遺美

闕事已闕而闕紀闕焉闕敢以闕為闕初闕更闕

闕其先漢丞相相之後徙闕之闕者不闕數世

重修天津府志

卷三八

金石

哭光緒戊戌

矣祖闕木似集字闕勇力絕人善挽強弓捉生矢闕百

步之內闕命中闕母尙氏生二子長闕即君之

父闕棄家闕黃冠師闕通真大德闕羽流中闕母

王氏蚤世闕州將李侯闕見之愛其勇闕無

比闕因闕均闕滄州牧闕皆闕王命闕事闕授

滄州管軍千戶乙卯改闕上沂江淮闕月闕及庀

闕之始宋闕兵闕却之城成闕人以闕諸闕

兵為必取之計闕月闕等闕下四面闕真頃闕可闕

不滿千人救援阻絕糧食且盡君闕士卒闕矢闕

去闕是闕芟闕有闕之闕凡闕以之闕武功居多

立後闕非也闕昇麾下闕抑闕此闕匪請於闕

曰童芾闕往闕弱闕能闕至闕承乏任使闕刀

闕李氏才之許闕有闕有戈年向之闕者今

闕矣李氏世闕李氏子斤代其闕孝而能闕

闕職闕元元闕十一年秋七月十有三日以疾

卒闕年四十有闕張闕弘闕布闕同闕張萬戶

闕茂子闕千里悉來闕也闕所才焉闕英闕

下士卒闕不得止此而已茂闕東南北良村之

闕新阡闕辛公之女性闕重居家闕次即英

次日闕孝次曰闕從都元帥闕

重修天津府志 卷三十八 金石 吳光緒戊戌

按徐志北良村前古墓碑仆草中其龜趺猶完好

每至盛夏遠近蜚螂自糞土中羣飛集其所至輒

投地死龜身左右蟲如積阜土人以為妖碎龜首

擲去之後蜚螂遂不至劉孝廉衡叔過其地聞之

訪其碑則碑陰無字不知為誰氏墓因集眾立其

碑始知為元人魏尙忠墓云案尙忠元史無其人

今碑不見尙忠字則立碑時名字當尙未泐也碑

文十一年之上年號不可辨元惟世祖至元成宗

大德順帝至正有十一年尙忠曾卻宋兵卒年僅

四十餘自是至元十一年所謂乙卯者乃蒙古憲

宗五年宋理宗寶祐三年其時元尙無國號無年號故但紀干支碑立於卒後七年則至元十八年也今姑列於前至元之末尙忠蓋於江淮閒曾爲宋兵所困然以不滿千之人卒能全師禦敵其武功有足多者碑中屢言李氏子而書撰題額皆李氏似於李氏有厚恩者惜文義不可考辛氏當是其妻亦元時滄州巨族也徐志不載碑文近歲碑又仆地今搨錄入志雖殘缺實甚其武功竟復顯於世亦云幸矣

州志

滄州狼兒口決堤碑 南皮縣狼兒口決堤碑

重修天津府志

卷三十八

金石

辛

光緒戊戌

滄州南有大堤互五十五里東爲滄州境西爲南皮境元泰定閒屯軍土民爭訟不決乃以公移開決截然中斷約二十餘丈水由中流爲狼兒口州

縣各立碑堤上河閒府志考州志云今狼兒口屬滄州

不屬南皮則此兩碑雖已久佚考其原來皆當在

今滄州境內也新通志

滄州導水記 未詳書撰人姓名碑今亡州志

夫水之瀕洞汎濫橫流而旁出也必疏淪利導使得其歸則民無昏墊土無沮洳而水由地中行矣禹之決九川距四海而濬賦澮距川用此道也黃

河既南徙九河故道遂以湮沒漳瀆不與同歸獨行二千里會於北海之涯其流滔滔汨汨視黃河伯仲閒耳垠高於平地亦由黃河之下成臯虎牢而東也皇朝定都於燕漳河爲運漕之渠控引東南居貨千櫓萬艘上供軍國經用巨商富賈懋遷有無胥此焉出故老相傳在國初時波流猶未宏遠自江南內附而其勢日增豈是水潛伏厚地天下有道則現川流隱見固自有時也至元五年秋八月大雨時行河決八里塘之灣爲口子者三湍悍噴激如萬馬奔突長驅而前南皮清池之境東

重修天津府志

卷三十八

金石

至光緒戊戌

西二十餘里南北三十餘里瀦而澤滙而淵竈陘而鼃產焉場圃而魚生焉蕩析離居之民相與言曰滄州古雄藩其濠深廣又距海孔邇水行故地第有屯府左衛曲防之阻無由逕達泰定閒鄉民呂叔範抗疏陳情奉旨開掘以便民又爲大渠以洩水莫不舉手加額以承無疆之休方命圯族者乘時不備遂以復塞今則牢不可破有能賈勇以倡吾徒當負鍤從之水入濠注海則還我壤地而修我墻屋矣脫因不花者故叅政莊武公之孫今江西副憲景仁公之子也以國學上舍生次置宣

文閣其人知學知義又一鄉之望卽以爲己任而不辭聞者壯其謀從之如雲各執其物於兩端破其築若摧枯拉朽去其壅如決癰潰疣義民所趨水亦隨赴始屯軍亦率其徒數百人盛氣以待我衆直而壯彼度非敵逡巡而去夫水之爲民害也久矣備禦之道存乎其人使南皮清池之民奮於事功而潦不爲災首義者之力也其人又相與言曰河決可塞而來者未可卜也曲防可潰而人力其可復也事可以稽舊典而義可以激流俗也丐文刻石遺後來固斯民百世之福也

前志考文敘滄

重修天津府志

卷三十八

金石

至光緒戊戌

州衛河洩水入海之口爲屯軍築堤曲防水無所洩至元五年八月大雨河決民廬漂沒鄉人脫因不花剌首率衆潰屯軍之隄民賴之爲刻石昭後云云元史河渠志延祐三年七月滄州言諸處御河兩次水溢衝決隄岸萬戶千奴千戶移僧等恐傷其屯田差軍築塞舊洩水郎兒口水浸民廬必須開闢四年五月都水監遣官相視遂於泰定元年九月遣官督丁夫開郎兒口增濬故河決積水由滄州城北達滹沱河以入海十月二日畢工與碑文所云泰定閒鄉民呂叔範抗疏陳情奉旨開

掘之語同蓋史志所謂滄州言卽呂叔範之疏也
州志載狼口在州境金石考與後一碑皆列在南
皮非也文中旣追敘泰定朝開掘減河始末是至
元五年爲順帝後至元州志所載甚明晰今從之

新通志

南皮縣郎兒口濬川記 劉沂撰郎兒口今滄州

地州志

治水之法禹貢一書尙矣迨及成周惟以溝洫備
旱潦厯秦漢而下始開河渠以資灌溉水利之興
良由於此洪惟皇元尤以水害致其憂以利遂民

重修天津府志

卷三十八

金石

光緒戊戌

之生都水司官於是乎設歲以御河漕民間之粟
供京畿以億萬計厥利懋哉今之御河源通漳水
東迤北經景陵滄等州地而入於海南皮滄之屬
邑也與景之吳橋東光接境河水至是勢益大夏
秋霖雨堤岸決齧其害愈劇不決於陵則決於景
而無歲無之邑東北去四十五里有郎兒口遇河
泛漲實受所衝故疏則下達於海塞則大斲民田
口之北率皆長蘆萬戶府軍屯地泰定初彼欲專
其利力塞之隨遣邑民墊溺之患前掌邑政者上
陳利害奉都督省移檄部屬遂命疏通使彼此各

安其業典冊俱在昭昭可考迄至元五年凡涉十有六載未嘗有異是歲季夏河決於陵之界直趨河口職屯田者謂歲月遠而無稽縣邑不能禦復塞之時懷來王公君美適尹是邑極言其弊奉省極體前議以行使民不被其害公既解篆繼任是邑者有若縣尹馮公克昭主簿宋公伯威典史張士廉臨政之暇輿念及此僉曰河口水之所經或塞或決終無一定之規簿書僅存恐不可久恃他日復爲水害若勒之貞珉以示無窮使後欲塞水害民者凜焉知畏不亦善乎乃各捐俸金爲之助

重修天津府志

卷三十六

金石

光緒戊戌

旣而耆老劉榮祖里正黃進社長李擇首倡鄉耆樂輸錢穀若干緡募工伐石請鑿於河垠之上屬予爲文以記之予謂水利之在天下是猶人生血氣實通於身無一息之停否則受患四體非復吾有水亦不可一日塞也洪範云水曰潤下孟子亦曰水無有不下是欲順而導之行其所無事白圭罪人以隣國爲壑齊桓伯者尙有無曲防之禁孰謂隆平之世而乃若是耶嗚呼前除民之害者績固美於一時今則愈久而愈著又將興利除害於無窮深謀遠慮其功有光於前人矣夫豈小補而

已哉忠國憂民者固士君子喜聞而樂道姑撫開
決之本末以爲記云前志考此文所敘與前碑是一
事疑民人倡衆決隄之後復爲屯丁所塞故王君
再決之先後立石以絕後患也惟後至元僅有六
年卽改元至正而此碑立在王君去任以後金石
考云至元中立州志以爲至正中立皆未敢糾其
孰是也新通志

古碑殘文 同治閒滄州舊城人掘井得之石縱
一尺寬一尺厚如之石僅一隅缺不成文按其語
意似古名臣祠堂碑字體開拓近李北海錄以俟

重修天津府志

卷三十八

金石

光緒戊戌

考州志稿

正文行書六行六十一字

禮粲然可觀時則有若

德滿美於上斯乃大道更始

祠樹豐石更遲終政方盡後庚

區分典雅

武克寬克仁慎儉乃僚以康兆人

原始要終歸乎 帝力式建豐碑

邊款八分書一行十七字

王垂託雲騎尉王知禮前國子進士皇甫昇

古碑題字

同治閒人拾於古滄城下後歸南皮張氏家徑三寸餘上濶一寸五分下濶二寸厚七分上缺處餘鳳爪花文正面平背面中凹有陽文字三行十三

字州志

為軍主力置鳳苑池花磚五百萬

按軍主字見六朝鳳苑池無考

州志稿

附碑

周趙武靈王墓銘

滄州舊城唐貞元十三年增築外城東南隅先有

重修天津府志

卷三十八

金石

美

光緒戊戌

古墓高二丈人莫知名因掘得銘記云是六國時

趙武靈王墓

太平寰宇記

方志引寰宇記云州城東南

隅古墓唐掘得銘云是趙武靈王墓遂置祠案應

邵云趙武靈王葬代郡靈邱則墓不當在此

京畿金

考此疑後人偽作然不敢遽定朝代既為唐時掘

出則非唐以後人所為矣今姑據寰宇記錄之以

存疑

新通志

南皮縣

後魏

兗州刺史刁遵墓誌銘

持節都督平東將軍洛兗州刺史刁侯遵子勲撰

刁遵墓誌銘 誌載窆於饒安之西南孝義里按

渤海饒安卽今之舊縣鎮其時渤海治在南皮舊

縣西皆南皮境刁氏塋墓孝義里坐南皮境內刁

氏故里名刁公樓莊亦南皮境誌石得之南皮耕

者初置南皮夜珠高莊唐高適故里土人砌石土神祠

座下樂陵劉孝廉克綸見之勸高氏易出亦殊不

知愛惜後贈葉廉訪芸士家石缺一角葉氏以素

石補足之廉訪滄州人居南皮地光緒三年冬南皮張紀雲

主政又從葉氏得之已卯歸於張相國今尙完好

重修天津府志

卷三十八

金石

光緒戊戌

縣志

魏故持節都督洛兗州下闕八字高祖協元亮晉侍中

尙書左僕下闕十一字夫人彭城曹氏父羲晉梁國下闕

十九字曾祖彝太倫晉侍中徐州牧司空闕下闕十七

字祖暢仲遠晉中書令金紫左光祿大夫闕下闕

十四字父雍淑和皇魏使持節侍中都督揚豫兗徐

四州下闕四字徐豫冀三州刺史東安簡公夫人琅

玕王氏父下闕一字公諱遵字奉國渤海饒安人也

姓氏之興錄於帝圖中葉下闕一字廣淵謨明有晉

祖父以忠肅恭懿聯輝建闕二字見者世往傳開下闕

十之外不復銘於幽泉也公秉維岳之靈挺基仁

之德忠闕本於立下闕以八字小節而求名無虛譽以

眩世少能和俗於人無際但昂然愕然者下闕侍

中中書監司空文公高允皇代之儒宗見而異之

便以女闕焉太沖中下闕尋拜魏郡太守寬明臨

下而德洽於民正始中徵為大尉高闕二字諮議參

軍下闕有古人之風器而禮焉俄而轉大司農少

卿均節九賦以豐邇用蒞事未朞遷使持闕都督

洛州諸軍事龍驤將軍洛州刺史公之立政惠流

兩壘平陽募化辟地二百方一江汙成功告老上

重修天津府志

卷三十八

金石

五

光緒戊戌

天不弔忽焉降疾熙平元年秋七月二十六日春

秋七十有六薨於位朝廷痛悼百僚追惜贈使持

節都督兖州諸軍事平東將軍兖州刺史侯如故

加諡曰惠禮也惟公為子也孝為父也慈在臣也

忠居蕃也洽兄弟穆常棣之親朋友著必然之信

尊賢容眾博施無窮戴仁抱義行藏罔滯温恭好

善桑榆彌篤小子憇等泣徂年之箭駿痛龜茲之

告祥奉靈輒而號慟遷神柩於故鄉以二年歲次

丁酉冬十月己丑朔九日丁酉窆於饒安之西南

孝義里皇考儀同簡公神塋之左松門水閣深扃

重修天津府志

卷三十八

金石

光緒戊戌

同郡高氏父允中中書監司空咸陽文公

碑陰長兄慕奉宗早亡妻河內司馬氏父楚之魏

使持節侍中鎮西大將軍啟府儀同三司楊

州刺史琅琊闕郡王第三弟紹奉闕饒安易二縣

令妻河內司馬氏闕三槍闕下第四弟獻奉闕五

下是東州令妻河內司馬氏闕六書丞第五弟

融闕奉業汝守妻同郡闕五侍中中書監

司闕第六弟肅奉誠闕中書侍郎早亡妻闕十

令貝闕五字闕第七弟闕世子闕四字上三

舉考秀子早亡妻闕三氏父穎闕宋散騎侍郎

長鍵庶鐫石於下壤仰誌憇於幽泉其辭曰攸攸

緜胄帝儻之允驛代貞賢自唐暨晉明哲迭興忠

能繼儁在洛雲居徂楊岳鎮氛鯨興虐金厯道亡

於昭我祖違難來翔位班鼎列朝望斯光顯懿孝

奉構腰璜依仁挺信據德樹明紐龜出守入讚台

衡惠霑千里道懋槐庭清風遙被徽音遠盈日登

農貳播稼是司巍巍高廩禮教將怡遍城俟捍戎

氓仁治秉祚肅命董牧宣成方叔尅莊燕爽遐齡

庶乘和其必壽泣信順而徂傾攀號兮罔訴摧裂

兮崩馨銘遺德兮心臣康刊泉石兮慟深扁夫人

第二闕子尙景三字勝本州闕三字上二字事下闕片行第

氏父堤闕三字侍中闕大將闕九字第一是軍字第三子

整闕景十字首二字是散字騎常侍右下闕首三字是軍將軍妻同

郡高闕七字首是氏字叅軍清河闕八文公闕四子振

闕九將下闕妻同郡李下闕首闕第五宣季

達闕九郎太尉闕三軍闕伏波闕將軍闕謁者僕射

中散大夫闕二第五闕融汝陰太守妻河南闕五

二字是元氏字侍中闕司徒中闕第六子隆景闕第

七子闕第八子同上

右魏刁遵墓誌遵雍之子也誌載遵歷官始末與

重修天津府志 卷三十九 金石 李 光緒戊戌

魏書刁雍傳略同惟本傳云遵襲爵太和中立例

降為侯而前敘雍事但云賜爵東安侯別無進封

之文不知何以云例降蓋傳文有脫誤爾遵有子

十三人誌惟云小子勲等勲即整字不及諸昆弟之名

蓋遵歿時整兄楷尙俱已先卒古人文字之質而

簡如此而諸弟姪不以不列名為嫌又徵古風之

淳厚也誌列三世官爵於首似行狀之式而銘詞

之後別云夫人同郡高氏云云皆墓誌之變例也

廣志及通志氏族略並引風俗通以刁氏為齊大

夫豎刁之後此誌云攸攸即悠字繇胄帝僵之允驛

代貞賢自唐迄晉不知何所據徧檢字書亦無僵

字潛研堂金石文跋尾

同里金二質甫守天津余客清苑一日寄余後魏

人墓銘拓本且云石在南皮不知何時出土有樂

陵諸生攜以去今訪至其家拓得十本以其一見

示屬為考之余閱其文簡淨書復道媚惜其石右

下殘缺不知誰氏墓也誌稱魏洛州刺史諱遵渤

海饒安人前列四世高祖協會祖彞祖暢皆仕晉

父雍始仕魏余因詳稽書史而知遵者刁遵也刁

協在晉元帝時為尙書令而見疾於王敦敦之構

重修天津府志

卷三十八

金石

奎光緒戊戌

逆也上疏罪協帝使協出督六師及石頭之敗協

行至江乘為人所殺送首于敦敦平後協子彞乃

斬仇人黨以首祭協墓由是知名歷徐兗二州刺

史鎮廣陵卒官彞有三子達暢宏而暢為始興相

桓靈寶以暢為右衛將軍魏書及北史刁雍傳俱稱暢為右衛將軍劉

裕起義暢乃伏誅宋書本紀云高祖家貧常負刁

達社錢三萬經時無以還執錄甚嚴王謚造達見

之密以錢代還由是得釋魏書兩見一在刁雍傳一在島夷劉裕傳南史

亦同惟北史裕誅靈寶以嫌故先誅刁氏雍為暢

三萬作一萬故吏所匿雍北史奔姚興豫州牧姚紹於洛陽後

作癰

至長安興以雍為太子中庶子姚泓滅歸魏太宗

明元帝假雍建威將軍青州刺史東光侯晉徐豫

二州刺史拜特進賜爵東光伯侯伯祇載北史獻文帝皇

興中雍與源賀高允等並以耆年特見優禮允則

遵之妻父也誌稱遵於孝文帝太和中為魏郡太

守乃南齊高帝武帝之時宣武帝正始中遷洛州

刺史在梁武天監二三年間其歿於熙平元年則

天監之十四年也遵有子十三人見於史者楷楷子

冲襲爵東安侯魏魏書有傳冲子欽 尙整整子柔仕齊宣魏書作宣

或月一人四人楷與尙皆早卒故誌稱整等整字景智

重修天津府志 卷三十八 金石 空 光緒戊戌

仕至征東大將軍滄冀瀛三州刺史大都督加車

騎將軍右光祿大夫諡曰文獻遵之卒也整時為

驍騎將軍而誌但稱小子整等不書其官已四品

上階也至饒安在漢為千童縣後漢靈帝時始改

此名魏書地形志饒安自熙平二年改屬浮陽郡

遵卒於熙平元年故誌猶稱渤海也若南皮與饒

安自是兩縣而誌石顧出南皮將無誌所云孝義

里者魏後割與南皮歟魏書云遵嘗經篤疾死見

神明救免言是福門之子當享長年北史同史於他

治行不書獨書此一事顧誌不及焉汪師韓跋

誌石爲渤海劉克綸所得云里人自廢寺址掘出之而已殘其一角今少山拓本文微有不續者此

也案文載高祖協元亮晉侍中尚書左僕闕晉書協爲侍

中曾祖彝太倫晉侍中徐州牧司空義陽闕晉書徐兗二

州刺史不言祖暢仲遠晉中書令金紫光祿大夫

侍中司空晉書言暢歷顯職暢伏誅次子宏亡不知所在今

以誌言於昭我祖違難來翔則癰也癰當桓元之變不肯從逆而避父闕

地易名當是其事父闕督楊豫兗徐四州下徐豫三州刺史東安簡公其

世系之詳以案於北史列傳刁癰字叔和曾祖協

位尚書令父暢晉右衛將軍較此誌敘官少略至

重修天津府志

卷三十六

金石

奎 光緒戊戌

癰本傳惟言明元假癰建威將軍又假癰鎮東將

軍青州刺史東光侯遷鎮齊陰遷徐州刺史賜爵

東安伯與此誌互勘乃相備也誌云公諱遵字奉

國渤海饒安人也案遵亦見北史云遵少不拘小

節長更修改今誌言以小節而求大名無虛譽以

眩世與史正相符又遵歷官以誌證之太和中轉

大司農少卿尋拜魏郡太守正始中徵殘一太尉

高陽殘一咨議參軍事都督洛州諸軍事龍驤將

軍洛州刺史又贈使持節都督兗州諸軍事平東

將軍兗州刺史今傳所載獨有卒於洛州刺史亦

其史文之略不及盡一人始末非廣記備言之體也誌文記小子整等整附載冲傳後云整字景智遵子楷早卒楷子冲宜爲祖後者也今誌書小子整奉喪於禮文未協當亦一時俗尙使然耳刁氏以晉書言之當劉氏既破桓元遂滅刁氏幾無遺類矣而癰及子遵並顯於魏然則協之忠固宜有後者也

授堂金
石跋

案魏書刁冲傳載遵將卒勅其子孫令奉父癰行孝論薄墓遺旨此誌亦未及也碑中竟作窆汚作汚棣作棣旄作祱龜作龜筮作莖皆別體惟僵字

重修天津府志

卷三十八

金石

光緒戊戌

未詳 山左金
石志

熙平二年在州人葉圭書家石縱二尺五寸廣二尺二寸三分厚三寸正書二十八行行三十三字有棋局文無書撰人姓名案北魏書刁雍傳在三十八卷文闕今北魏書乃照北史補錄者也雍傳附載六子遵其第二子字奉國襲爵遵少不拘小節長更修改太和中例降爲侯景明中除相州魏郡太守還爲太尉諮議參軍年七十志力不衰嘗經篤疾幾死見神明救免言是福門之子當享長年延昌三年遷司農少卿尋拜龍驤將軍洛州刺

史遵招誘有方蕭衍新化太守杜性新化令杜龍振平陽令杜臺定等率戶三千據地內附熙平元年七月卒年七十六贈平東將軍兗州刺史諡曰惠侯有子十三人汲古閣本於此下注云遵字疑俱作肅案此傳自雍至遵子楷尙整等本一篇文字傳寫者每人皆另行別起則遵事蹟在肅下故毛氏有此不知上文但書遵字與襲爵遵傳並未完如少不拘小節以下爲肅事肅並未襲爵安得有例降爲侯之事耶傳所載與墓志吻合可證毛氏之疑誤矣魏太和十一年立浮陽郡景明初併入章武熙平二年復立遵墓於熙平二年冬十月猶書渤海饒安意浮陽郡省併後而饒安還屬渤海撰文書丹刻石皆墓前事撰文時當尙未復浮陽郡也高文公允係渤海楮人故曰同郡阮元山左金石志刁遵墓志藏樂陵劉克綸家元至山左時此碑已歸南皮高氏矣此石全文舊南皮志載之其出土久矣後淪棄於南皮夜珠高家莊之土神祠中莊在饒安故城西南八里去其葬處本甚近也乾隆中樂陵石維新過其地始語高氏昇諸其家石已缺右角劉克綸題志數行高氏鐫諸木

板補其缺角此後總存高氏家並未歸樂陵劉氏也咸豐四年高冠珍持贈州人葉圭書石遂歸於葉氏故得載入滄州云

滄州志稿

考滄州志漏此文

較今拓本多數十字如云太和申襲爵東安公襲字以下五字今泐卽錢氏大昕亦未之見故於史傳例降侯一語知其誤而無可確證今觀此則雍傳之漏筆可援之以糾矣碑云正始中徵爲太尉高陽王諮議參軍正始乃世宗孝武帝紀年高陽王雍爲獻文帝子太和間由潁川王改封高陽世宗朝官太尉卽此也此石於光緒閒爲南皮張氏

重修天津府志

卷三八

金石

奕

光緒戊戌

所得今仍載入南皮

新通志

碑陰凡兩列上列兄弟七人字十四行下列子八人字二十一行有棋局文魏書雍長子纂字奉宗中書侍郎早卒纂弟遵遵弟紹字奉世武騎侍郎汝陰王天賜涼州征西府司馬紹弟獻字奉章秘書郎獻弟融字奉業汝陰太守融弟肅字奉誠中書博士此志不書纂官爵而傳作中書侍郎纂旣先卒葬遵時無不書官之理纂蓋未仕而卒肅亦早卒傳誤以肅官書於纂下肅官當依誌改博士作侍郎其餘官爵之不同誌書見官傳書所終之

官也十三子誌僅書八人餘蓋未成丁也四子振當是出嗣第五弟融不然第五弟不應重出於諸子中也傳云遵長子楷字景伯舉秀才早卒子冲字文助在儒林傳楷弟尙字景勝本州治中早卒尙弟整字景智丁父憂時官右軍將軍除郎中轉驍騎將軍與誌皆合餘子不載惟第五子宣見於整傳中而汲古閣本訛作宜整傳又云其弟婦爲山陽王熙之姊當是宣妻故知宣妻河南下闕爲元氏二字也

滄州志稿

考誌云纂妻河內司馬氏父楚之魏使持節侍中鎮西大

啟府儀同三司揚

重修天津府志

卷三十八

金石

奎光緒戊戌

州刺史琅琊

楚之魏書有傳官終侍郎鎮西

大將軍開府儀同三司雲中大將軍領護西戎校

尉揚州刺史與誌微異開府作啟府開啟字通漢

時以避諱改爲開今嵩山有漢啟母廟闕石刻作

開母廟是也碑載宣妻曰河南

下闕五字

侍中

下闕魏書刁整傳云整弟婦卽山陽王熙姊刁雙

傳云略姊饒安公主刁宣妻也以兩說案之則宣

妻河南下闕爲元氏字可知滄州志所考極確案

山陽王熙東平王略皆中山王英之子傳中敘英

官終尙書僕射贈司徒公而無官侍中語當爲史

氏漏筆新通志

唐

義昌軍節度驛使官夏侯義墓誌 萬厯中今城

東北里許土人耕地得方石一合係唐義昌軍節

度驛使官夏侯義墓誌云葬南皮西南十里東觀

瑯莊東南百步蓋指舊城言也縣志

賈耽墓銘 墓在城東中書侍郎權德輿銘縣志

麟之儀儀鳳之師師有倬魏公發揮清時外總方

國掃除螟螣入居公台左右皇極於學無不通於

志無不容穆如禴風叩若華鐘偉材宏議信以發

重修天津府志

卷三十六

金石

李光緒戊戌

志中行循性其道易易始於清明紀號永貞維陽

之朔日兮返智氣於冥冥下旬逮半兮祖載於庭

神歸古原兮闕此音形前直國門兮旁通梁傅不

忘本兮公之素笳簫啟路歸此壤樹嗚呼有唐元

老兮魏公之墓同上

宋

大觀聖作碑

徽宗御製正書蔡京題額大觀 年金石分

建修學宮字殘缺不可辨縣志

鹽山縣

唐

孝子許元遇造象碑 在城北二三里咸豐初耕

者得之後移入文廟 縣志 案新通志首行題目元字下脫一遇字據縣志補

許元遇薦福墓碣

龍朔三年歲次癸亥九月辛亥朔廿三日癸酉建

前豪州司戶參軍封師辨息前趙王親事善交文

前州助教許師秉書

劉柔爰署聖賢連鑣徒如練石之言空聞拔山之

說大雄超三果至德掩四海豈 闕二字者乎降及聚

星識星之士答日迴日之良自昔得士駕龍之君

重修天津府志

卷三十八

金石

堯 光緒戊戌

由來席水乘魚 闕二字風雲感會榮落相迎品物盛

衰諒僉湮滅會祖遵齊任并州長史祖由周任 闕三

字 事父預誕生隋代忠勇有聲署安河府隊正其

山洗耳卽是其先平輿二 闕三字後也屬隋綱失紊

君子道銷皇運爲家乘危謁帝詔授朝散大夫式

旌勤勞之節衣繡遊鄉罔墜堂構爾乃懷安喪志

遇疾彌留昔二豎入夢不憚秦良一弩映盃杜冥

危薦加之祈禱無社奄從屬續子立遇等號履崩

絕告懇靡及旣而生全資敬色養非難死須宅瓦

墳塋是建爰以龍朔元年二月廿七日安厝於本

宅許莊之西南二里雜樹交映花菓相暉可謂佳
城鬱鬱有以源氏之阡墳作鳥形還同鳳樓之陌
悲哀侔於朝夕樹色與絲淚不同雷聲震於太陽
巡告無疲晝夜昔白鳩巢戶鶴勉雙遊比之於斯
往多慚德且大孝之道不敢滅身務崇三寶情希
甄拔敬捨弃父母之餘資省割弟兄之口分遂於
墓左置碣一所石移宣務匠引栢仁工石遠來塋
樹斯畢像裁四海面狀等開蓮鰲飭旣周還如佛
日其南面釋迦像一鋪并菩薩聖僧金剎師子等
宛然具足卅二相妙覺照丹青八十種好容宣五
重修天津府志

卷三十八

金石

辛光緒戊戌

色父母兩邊供養冀得恆侍尊顏追遠務盡終身

豈

闕二
字

礮之泣庶使往反九天憑茲無尋輪迴入

難藉此舟航與日月而

闕

存共金石而同固然江

河如帶而墳碣無虧貽諸後昆永爲供養 詞曰

乃祖乃父光國榮家汝南偉器箕山弗奢懷安肆

志朝散爲華

闕二
字

人代有識同嗟

其一

絕漿五日泣

血三年六情無主空思昔賢頭蓬

闕三
字

結鶉連遠

惟疇曩非由教然

其二

徠徠万品擾擾四生無苦不

作何

闕二
字

更惡趣易染苦行難行欲求真寶須遵

化城

其三

樹茲高碣衆聖

闕二
字

照曜金玉王般運工

妙相端委天下無雙救度一切咸出苦空

其俱同

上考趙王乃太宗第十三子趙王福也唐百官志

諸王有親事府官有典軍至隊副共五等皆隸親

事府此云趙王親事不書為府中何官疑為隊正

隊副之類最卑者故僅以親事該之若今京秩官

之卑者皆渾書公署之名其相沿久矣

新通志

慶雲縣

北齊

朱靈振等造佛像頌並題名 在城南管家寺中

座皆刻字潔白如玉北齊天保八年造文十三行

重修天津府志

卷三十八

金石

圭 光緒戊戌

行十字又數行刻都維那朱靈振等姓名

縣志

夫靈宗冲寂闡慧化以拯人聖旨淵澄刊彫形如

濟物斯蓋垂怜理寬流慈汎育者矣然今朱氏邑

人等皆淨行童年覬蕩三塵練心早日望除九難

遂以天保八年十二月敬造玉石象一軀廣輪盈

尋其崇兩仞晝比望舒夜光奄月矍矍之美九宇

無以方其奇皎皎之潔八方莫能比其麗上願皇

祚永延邊方甯太存亡同津含生等潤都維那朱

靈振邑人朱黑等同造 又維那朱方迴邑人朱

顯邑唯那朱顯貴邑人朱領眾唯那朱周求邑人

朱故興唯那朱市珠邑人朱文唯那朱仲悅邑人
朱勇唯那朱難芝邑人朱洛保邑人朱顯和邑人
朱同興邑人朱太岳邑人朱同生邑人朱伯林邑
人朱遠邑人朱臺邑人朱子路邑人朱景智邑人
朱遠士邑人朱靈勇邑人朱血景邑人朱郡生邑
人朱洛由邑人朱首仁邑人朱元賓邑人朱承祖
邑人朱延貴邑人朱山伯邑人朱仲賓邑人朱長
卿邑人朱玦 邑人朱智誕邑人朱子榮邑人朱
仲和邑人朱佼島邑人朱非埕邑朱冲 邑人朱
季達邑人朱進興邑人朱五和邑人朱仲畧邑人
朱道通邑人朱顯思邑人朱子洪邑人朱子恭邑
人朱敬雄邑人朱敢鬼邑人朱小苟邑人朱子穆
邑人朱永保邑人朱顯興邑人朱陽市邑人朱子
仲邑人朱靈相邑人朱景武邑人朱僧朗邑人朱
景淵邑人朱道鸞邑人朱奉祖邑人朱珎石邑人
朱趙香邑人李元暈邑人朱昇邑人朱景世邑人

朱摩納

同上

明宏治閒掘地得之在管家寺廟內

金石分域編

按管

家寺當卽德安寺

新通志

僧法延造象記

按此記前志及縣志失載今據新通志補曰

重修天津府志

卷三十八

金石

三

光緒戊戌

正書皇建二年四月明宏治間掘地得之在管家
寺廟內金石分
域編

尼圓昭等造彌勒象記 在城南管家寺內北齊

武平六年比邱尼圓昭圓光造有頌字帶隸體宏

洽間邑人掘地得之縣志

大齊武平六年歲次乙未五月甲寅朔廿六日巳

卯佛弟子比邱尼圓照圓光姊妹二人為亡妣亡

兄朱同敬造雙彌勒玉石像一軀上為皇帝陛下

羣僚百官州郡令長又為七世先亡見存眷屬一

切含生有形之類普沾斯福乃為頌曰峩峩玉象

重修天津府志

卷三十六

金石

光緒戊戌

妙饒幼立光同五色淨境交連真如法眼庇願昌

延上為考妣捨家財珍敬造聖容留音万季同上

元

重修天宮寺碑 在縣西南隅唐太和中建縣志

天宮寺在河間路之無棣縣西南隅左枕老烏山

之岡前面一河名曰鬲津迢遞而東西南濱胡蘇

古河二水交流不舍晝夜感為漣漪怒為澎湃遠

而望之如白馬銀山之狀其為龍宮秘宇之所托

也固宜相傳唐太和中有大比邱飛錫而來徘徊

顧瞻縛蘆棲止於茲厥後漸成巨剎樓閣崢嶸鐘

魚互答於山光水色間一時龍象固云盛矣金末
干戈四起官署民居盡罹毀壞寺亦不能以獨存
金碧之區倏幻爲瓦礫之場荒煙野燐更互明滅
使人有悽然之思清海禪師自幼受經此地喟然
嘆曰在我法中有爲無爲皆爲第一義諦起廢之
任吾可不究心乎其徒數十人懽然從之遠募四
方近丐鄉閭積三年有奇由是採木於林攻石於
山徵甃於陶法金剛諸神像梵相嚴飭觀者生敬
經始於至大三年四月訖工於四年二月因具其
事狀來都下求予記予少與禪師游瀛棣間十年

重修天津府志

卷三十八

金石

光緒戊戌

知禪師道行非常請詳記之予聞大雄氏說法者
闍崛山有重閣講堂之壯麗所以奠安其形軀庇
覆其生徒初未聞其露坐於日星風雨之下也世
之昧者弗之察悉諉諸興造爲人天有漏之因俛
俛然曰吾志諸內不驚諸外彼役志於事功者果
何爲也哉殊不知般若場中事理無礙內外渾融
徧覆一切不卽世間不離世間苟徒泥拘而墮斷
滅之見則違道遠矣今禪師耽悅禪味有所證入
毅然建立無非佛事其知識過人殊甚予備著其
事勒諸堅珉庶可以戒世之馳驅空言者禪師名

德淨清海其號也周遊名山大川所至之處廢無不舉今日之役其尤偉者也其徒則明觀明珠福海等行業皆有淵源可稱云同考文元參知政事商挺撰文敘清海禪師重修無棣縣天宮寺始末經始於至大三年四月訖工於四年二月考元無棣縣隸中書省河閒路滄州當今慶雲縣境金石考采入靜海縣且誤作天妃宮碑皆非也新通志

重修天津府志

卷三十八

金石

光緒戊戌